

HOKIM YORDAMCHISI—XALQ XIZMATCHISI

Nabiyev Abdullajon Boboqulovich

Бухоро вилояти Jondor tumani

“Qaroli” MFY hokim yordamchisi

b.temirov2370012@gmail.com

Annotatsiya. Mahalladagi ijtimoiy-iqtisodiy holatni xonadonbay o‘rganish, jumladan, aholining bandlik darajasini, oilalarning daromad manbalarini, tomorqa yerlaridan foydalanish holatini hamda daromadli mehnatga bo‘lgan intilishi va ehtiyojlarini tahlil qilish .

Kalit so‘zlar: Inson qadri, mahallabay, modernizatsiya-zamonaviylashtirish.

KIRISH

Hurmatli Prezidentimiz tashabbuslari bilan mamlakatimizda “mahallabay” ishlash tizimi joriy etilgan bo‘lib, bundan asosiy maqsad “Inson qadri” tamoyilining uzviy davomi sifatida har bir xonadondagi muhit bilan yaqindan tanishishdir. Mamlakatimizda ilk bor “mahallabay” tizimi, uning ortidan barcha mahallalarda “hokim yordamchisi” lavozimi joriy etildi.. Ushbu lavozimning asosiy mazmun-mohiyati hokimlarning hudud quyi bo‘g‘ini – mahalladagi odamlar orasidagi vakilidir. Ular aholining qiziqishi, xohish-istagi hamda turmush tarzi bilan yaqindan tanishib, yuzaga kelgan muammolarga tez fursatda yechim topilishiga ko‘maklashishlari zarur.

Buxoro viloyati, Jondor tumani “Qaroli” MFYda 1795 ta xonadon 7126 nafar aholi istiqomat qilib kelmoqda. Mahalla tuman markazidan 15 km uzoqlikda joylashgan bo‘lib, o‘rta darajadagi mahalla hisoblanadi. Mahalla hududi asosan, aholi xonadonlaridan iborat bo‘lib, aholining asosiy qismi hududdagi korxonalar, tashkilot va davlat tashkilotlarida ishlaydi. 2022 yilgacha mahallada jami 80 ta tadbirkorlik sub’yektlari mavjud bo‘lgan. “Xonadonbay” o‘rganishlar natijasida tadbirkorlikka qiziqishi bor fuqarolarga davlatimiz tomonidan yaratib berilgan imtiyozli kreditlar hamda subsidiyalar olib berildi. Hozirgi kunda hududda 58 ta Mchj, 148 ta YaTT hamda 174 ta dehqon xo‘jaliklari faoliyat olib borib, savdo do‘konlari, avtomobillarga texnik xizmat ko‘rsatish, non va non mahsulotlari ishlab chiqarish hamda xizmat ko‘rsatish shoxobchalari ishlab turibdi. Aholi qo‘shimcha daromad topish maqsadida tikuvchilik, chorvachilik va dehqonchilik bilan shug‘ullanib keladi. Hududda davlat muassasalari kamligi tufayli faoliyatim davomida 1 ta oilaviy maktabgacha ta’lim tashkiloti tashkil etilib, ularning sonini 4 taga yetkazildi. Mahallaning eski bo‘sh binosini ta’mirlab, mahalla bolalari uchun to‘garaklar faoliyati yo‘lga qo‘yildi.

METODOLOGIYA VA EMPIRIK TAHLIL

Hudud aholisining asosiy qismi doimiy va mavsumiy ishlar bilan band hisoblanadi. O'tgan davr mobaynida mahallada olib borilgan amaliy ishlar natijasida hududda kambag'al oilalar deyarli qolmadi. Biroq kam daromadli hamda ijtimoiy himoyaga muhtoj oilalar uchun alohida individual dastur ishlab chiqilib, muammosi mavjud har bir oila a'zosining muammosini bartaraf etish choralari ko'rilmogda. Masalan, kasalligi borlar tibbiyot muassasalariga yo'naltirilib, ishsizlarning bandligini ta'minlanib, xohish-istagiga qarab imtiyozli kreditlar va subsidiyalar ajratish orqali ularni band qilish choralari ko'rilmogda.

Mahalla tumandagi 3-sektor hududiga kiradi. Mahallaning infratuzilmasi rivojlanishi aholi kayfiyatiga katta ta'sir qiladi. Shu ma'noda, sektor bilan birgalikda so'nggi uch yilda 24 km ichki yo'llar betonlashtirildi, 100 foiz xonadonlar toza ichimlik suvi bilan ta'minlandi, 3 ta elektr podstansiyalar (TP) to'liq ta'mirlandi. Xususan, homiylik asosida 6 ta ko'chalarga tungi chiroqlar hamda xavfsiz hududga aylantirish maqsadida 25 ta kuzatuv kamerasi o'rnatildi. Mahalladagi oilaviy nodavlat maktabgacha ta'lim muassasalarida bolalar uchun yaratilgan sharoitlar bilan doimo tanishib, kuzatib borilmogda.

Fuqarolar bilan birgalikda ichki yo'llarni asfalt qilishni rejalashtirib, tashabbusli byudjet loyihasining 2023 yil ikkinchi mavsumida o'z tashabbusimizni kiritdik va 1 mlrd 360 mln so'm mablag'ni mahalla ko'chasining 2,9 km ichki yo'llarini asfaltlash uchun yutib olindi. "Yashil makon" dasturi doirasida ham fuqarolar va homiylar tashabbusi bilan mahallaning bo'sh turgan yerlariga mevali daraxtlar ekildi. Bundan tashqari, 2023 yilgi "Tashabbusli byudjet" loyihasining birinchi mavsumida mahalla ko'chalariga transformator, beton tayanchlar hamda tungi yoritish chiroqlari zarur bo'lganligi sababli 540 mln so'm yutib olishga erisha oldik.

XULOSA VA MUNOZARA

Mamlakatimizda davlat rahbari tomonidan keng ko'lamli islohotlar amalga oshirilmogda. Davlatimiz rahbari tomonidan imzolangan "Aholini ijtimoiy qo'llab-quvvatlash tizimini yanada takomillashtirishga qaratilgan qo'shimcha chora-tadbirlar to'g'risida"gi farmon xalqning turmush darajasini oshirish, ijtimoiy himoyaga muhtoj oilalarni yanada qo'llab-quvvatlashga qaratilgan muhim hujjat bo'ldi. Yurtimizda aholining muayyan qatlami o'rtasida kambag'allik mavjudligi birinchi marta e'lon qilingan kundan boshlab uni qisqartirish bo'yicha keng qamrovli ishlar amalga oshirilib kelinmogda. Yaratilgan imkoniyatlardan kelib chiqib, har bir xonadonni tomorqadan samarali foydalanishlariga erishish, tadbirkorlar sonini yanada orttirish asosiy maqsadlarimizdan biri hisoblanadi. 2024 yilning o'zida 20 ta mikroloyiha ishga tushirib, ish o'rinlari ko'paytirish maqsadi belgilangan. Mahallada ijtimoiy, iqtisodiy va infratuzilmalar bo'yicha amalga oshiriladigan ishlar yuzasidan aniq "Yo'l xarita"si ishlab chiqilmogda va manzilli ishlar tashkil etilyapti. Mas'ullar bilan birgalikda

mahallada tadbirkorlikni rivojlantirib, ish o‘rinlarini yaratish orqali kambag‘allikdan holi hududga aylantirish rejasi ishlab chiqilgan. Uni izchil amalga oshirish uchun hormay, tolmay ishlaymiz.

ADABIYOTLAR RO‘YXATI

1. <https://pm.gov.uz/>
2. <https://president.uz/>
3. <https://strategy.uz/>